



# Tuks: Nollis se Operasie Regruk begin môre

## Leighton Koopman

Hy moet die Universiteit van Pretoria van die Varsitybeker-afrigter red.

Dis die taak wat Nollis Marais as nuwe hoofafrigter van Tuks opgelê is nadat die Tukies nog segeloes in die reeks is.

Môre sal die Pretoria-span se wedstryd teen die Ixias die eerste kans wees vir Marais-hulle om uit hul Varsitybeker-as te herry.

Die span kon nog geen wedstryd in vanjaar se kompetisie wen nie, al is hulle die verdiedigende kampioen.

Hulle speel egter teen 'n Ixias-span wat ook hard veg om hul status in dié studentereeks lewend te hou.

"Die gees in die span is laag, maar hier is goeie spelers," het Marais volgens varsitycup.co.za gesê.

"Daar is baie min wat ek kan doen, behalwe om te keer dat die span gerelegeer word. Dit is die taak wat wag en ons begin sommer Maandag (môre) daarmee teen die Ixias."

Die Ixias het egter ook nog baie om voor te speel.

## Varsitybeker-puntestand

Posisie	Span	Gespeel	Wen	Gelykop	Verloor	PV	BP	Punte
1.	Maties	6	5	1	0	153	5	27
2.	Wits	6	4	1	1	27	5	23
3.	NWU	5	4	0	1	109	4	20
4.	UJ	5	3	0	2	94	4	16
5.	Ikeys	6	3	0	3	-5	3	15
6.	Shimlas	5	3	0	2	-45	2	14
7.	Ixias	5	1	0	4	-186	1	5
8.	Madibaz	5	0	0	5	-107	3	3
9.	Tuks	5	0	0	5	-40	2	2

Bron: varsitycup.co.za

THEUNUS KRIJGER, Grafika24

Hulle is in dieselfde bootjie as Tuks en probeer ook om relegasie vry te spring. Die span onder aan die Varsitybeker-puntelyst word outomaties na die Varsityskildereks gerelegeer.

Tiaan Liebenberg, afrigter van die Ixias, besef die stryd teen die suikkelende Tuks kan belangrik

vir sy span wees. Indien die Bloemfonteinse span teen die verwagting in 'n sege kan behaal oor Tuks, sal hulle vir 'n wyle kan asem skep en uit die relegasiesone beweeg.

"Nollis sal beslis 'n verskil maak," het Liebenberg oor sy span se teenstanders gesê.

## Die aksie

■ 16:45: Wits t. UJ (regstreeks SuperSport 1);  
■ 18:30: Ixias t. Tuks;  
■ 18:30: Madibaz t. Maties;  
■ 19:00: Pukke t. Shimlas (regstreeks SS 1)

"Ek dink David Manuel is 'n goeie afrigter, maar soms is daar klein goedjies waarop jy nie jou vinger kan plaas nie. Vat byvoorbeeld ons wedstryd teen Wits (verlede week). Met 15 minute se spel oor was ons 23-34 agter en toe verloor ons 23-51."

In die Goudstad is die Goue Leeus se twee voerderspanne, die Universiteite van Witwatersrand en Johannesburg, op Wits se velde slaags.

Wits, die gunsteling in die stryd, kan sy tweede plek op die puntelyst verstewig met 'n sege. Dit sal beteken die span se laaste ligawedstryd teen die NWU-Pukke sal volgende week 'n stryd om die tweede plek op die puntelyst wees.

Vir UJ is daar ook nog die kans

om tweede te eindig, mits hulle al drie hul oorblywende wedstryde in die kompetisie beklank en dan op 'n guns of twee kan staatmaak.

Die Pukke kan natuurlik nog 'n stokkie steek voor albei die Johannesburgse spanne se planne.

Nes UJ, het die Noordwesters ook 'n wedstryd minder as Wits gespeel. Met drie opeenvolgende seges kan hulle die tweede plek op die puntelyst hulle s'n maak, en seker maak van 'n tuishalfeindstryd - en dis presies waarna hulle streef.

Hulle pak môre die Universiteit van die Vrystaat se Shimlas in Potchefstroom en behoort die gunsteling op hul tuisveld te wees.

Die Shimlas het egter al vir menige span gewys dat hulle nie geringgeskat kan word nie. Dit beteken die Pukke sal hard moet werk as hulle wil wen.

Die Nelson Mandelabaai-Universiteit se Madibaz veg ook om oorlewing in die kompetisie.

Die Oos-Kaapse span kan hulle maar vet smeer vir 'n taai wedstryd teen die Maties in Port Elizabeth.



Nollis Marais